

UMP santuni anak keluarga asnaf

KUANTAN - Kegembiraan jelas terpancar pada wajah 80 anak yatim dan asnaf sekitar Nenasi, Kuala Pahang dan Kuantan apabila berpeluang membeli-belah baju raya dan persiapan Aidilfitri sumbangan Universiti Malaysia Pahang (UMP) di Pasaraya Mydin Kuantan.

Mereka adalah anak kepada 30 keluarga terpilih menerima sumbangan baju raya dan barang keperluan melalui Projek Santun Kasih Lebaran anjuran UMP dengan kerjasama Persatuan Wanita UMP (Matahari).

Ia diadakan sempena program Jejak Asnaf hasil inisiatif MyGift yang diperkenalkan universiti itu.

Naib Canselor UMP, Prof Datuk Seri Dr Daing Nasir Ibrahim berkata, program menyantuni keluarga asnaf itu hasil kesinambungan program MyGift yang dijalankan sepanjang tahun terutamanya dalam usaha membantu komuniti setempat.

Menurutnya, bantuan itu sekurang-kurang dapat membantu meringankan beban keluarga dan mereka berpeluang berhari raya dengan lebih bermakna.

Sementara itu, Timbalan Presiden Persatuan Matahari, Haryani Abdullah berkata, program kali ini dibantu 15 sukarelawan UMP.

"Mereka membantu keluarga ini memilih kelengkapan baju, seluar, kasut, songkok dan tudung dengan nilai antara RM100 hingga RM150 seorang.

"Setiap keluarga juga menerima sumbangan keperluan harian seperti beras, minyak, susu, tepung dan gula untuk kegunaan menjelang Aidilfitri," katanya.



Kelvoc KL bergambar bersama pengurus dan anak yatim dari Rumah Kasih Nurul Hasanah.